

七佛所說神呪經卷第三

羊三

失譯師名開元附東晉錄

我摩醯首羅天王今欲說神呪愍念諸衆生爲除苦本除其我慢心今修忍辱行有呪名
句多吒呢此言慈悲忍辱

殊呼多一烏耆多二句多吒三烏蘇蜜多四

提梨帝吒五若蜜殊吒六句喻吒七烏蘇蜜
耆吒八句那吒九那蜜耆吒十烏蘇帝梨吒
十一莎呵十二

誦呪五徧縷一色青結作十二結繫兩手此

大神呪乃是過去七恒河沙諸佛所說又我過去從諸佛所得聞說此大神呪名從是已來神通自在徧領三千大千世界一切鬼王皆悉屬我我有神力悉能摧伏我今說此陀羅尼呪如王解譬如明珠與人譬如強力轉輪聖王威勢自在無有前敵未摧伏者力能摧伏已調伏者增加守護所須之物令無所乏時轉輪王威伏百姓復能養育增加守護猶如慈父等無有異我大摩醯首羅天王神力自在亦復如是典領三千大千世界鬼神諸

王養育守護亦復如是摧伏外道及諸邪見悉令靡伏安住正法復以神通飛騰十方遊諸佛國佐佛揚化守護正法亦復如是我今以此大神呪力六道化身度脫衆生現作鬼王降伏諸鬼摧滅邪見內修菩薩清淨戒行父以得處法流水中八住齊階功勲成就當知皆是大神呪力其諸行人欲得現世離衆患難欲護正法欲得安隱欲得國土無諸災疫豐實安樂其王應當勤心讀誦研精修習此陀羅尼亦當勸勵后妃殊女諸王子等勤

心修習晝夜讀誦極令通利於月八日十四日十五日離常住處在空淨地淨潔洗浴妙香塗身著新淨衣於夜後分明星出時燒香散五色妙華三種名香供養十方佛已然後三稱我名摩醯首羅大天王滿我所願如是羊三
二說令我所求皆得吉祥作是願已默然而坐我於爾時當往其所王於爾時即當誦此陀羅尼呪二十一徧默然而坐其王爾時若於夢中若惺悟心得見我身在虛空中處白蓮華臺放大光明照觸王身王見光已即得

清淨解脫無垢光三昧得是三昧已心大歡喜心歡喜已所願悉得我時當遣八部鬼神守護國土國界清夷無諸災橫當知此是大神呪力八臂那羅延今欲說神呪名阿波盧耆兜帝梨置此言護助佛法普諸衆惡推滅邪見建立法幢

度呵兜一支波兜二若勿兜三波羅帝兜四度呵兜五究吒兜六阿若勿兜七耶窩兜八究吒兜九度呵兜十莎呵一

誦呪五徧縷青一色結作四結繫項此大神呪乃是過去恒河沙諸佛所說我於過去

從諸佛所聞是神呪是故今日得此奇特威猛德力神通無礙三界奇特人無等雙移山駐流手轉日月能接須彌擲置他方還置本處令此四天王帝釋諸天都不覺知令此須彌入芥子中四天王宮忉利諸天悉皆不知已之所入今四天下洲合爲一洲各還本處如本無異其中衆生不知往來神通自在遊騰十方歷事諸佛守護正法當知皆是大陀羅尼力若諸國土諸人王等欲護己身及國土者是王應當建立佛法當修十德何等爲

十一者以慈悲心養育民物二者怨親平等
心無憎愛三者治國正法不枉民物四者退
惡任善識賢別愚五者謙下自卑不輕賢士
六者有來求者不違其意隨其所求悉皆給
與七者於三寶所其心純厚八者拯濟貧窮
愍諸孤老九者國有賢士當徵召之十者普
慈人民捨恨念舊猶如慈父愛急其子溫潤
清流若諸人王能行是德當知是王諸佛所
護我等諸天亦護是王不令隣敵來侵是界
有諸善人福德賢士皆集一國雨澤順時不

被灾霜人民安樂惡龍攝毒無病苦者是王
若能修是十德復能兼誦此陀羅尼專念在
心而不廢忘常於月八日十四日十五日於
正殿上若高樓上香湯沐浴著新淨衣正東
而坐日未出時燒香散華供養十方諸佛然
後禮我八臂那羅延天王神力自在令我所
求皆得如願爾時即誦此陀羅尼二七竊已
默然而坐至一食頃我於爾時當往其所住
虛空中身出光明照觸王身其王爾時見光
明已轉復精進以精進故所求皆得隨其所

願無不剋獲當知皆是大神呪方我大功德
天女今欲說神呪名兜樓呼帝盧

此言護助正法愍苦

生衆

耆摩羅呼帝盧一烏晝呼帝盧二句吒那呼

帝盧三若密者呼帝盧四莎呵五

誦呪三徧縷六色結作六結繫項是大神呪
乃是過去七恒河沙諸佛所說我於過去從
諸佛所得此神呪今得此身端正殊妙光明
照耀諸天中勝神智通達靡所不知得他心
智來今往古如在目前得宿命通具足三明

八解脫事亦悉備足功德備舉如初往菩薩
等無有異爲度衆生現作天女見諸衆生迴
波六趣沒溺苦海無能覺者我今愍此諸衆
生故以此神呪欲擁護之若諸行人欲求所
願病者求差貧者求富賤者求貴若諸國王
惡賊侵境雨澤不時所種不收疫病流行爾
時應當勤心讀誦修行此陀羅尼七日七夜
六時不廢燒香散華供養十方諸佛供養佛
已爲我大功德天數好妙座以三種妙華莊
嚴此座赤白紫色三種妙聚蒲萄石蜜安石

榴漿以待於我若在塔中若於靜室於一

時中勤心讀誦此大神呪七徧乃止默然而坐我時當與天衆龍衆往是人所受其供養受供養已與其所願是人爾時若於夢中若惺悟心即得見我大功德天威顏相貌光明

挺特見已歡喜轉復精進以精進故所求皆

得當知是此大神呪力我難陀龍王欲說一頭陀羅尼名者那膩置此言設諸衆生於其四毒箭

若不帝梨那一伊帝帝梨那二伊無帝梨那

三若畫若令帝梨那四伊不帝梨那五者呼

叱帝那六莎呵七

誦呪五徧黃羊毛縷結作六結繫項此大神呪乃是過六十恒河沙諸佛所說我難陀龍王已得大神呪力故常遊諸國十方佛前神通自在無有罣礙諸佛所說悉能總持爲衆

生說如聞而行拔其毒鏃補智慧膏以薩婆

若水洗除垢穢拂拭摩磨令心調淨我難陀龍王常遊諸國觀察衆生有病苦者隨其徧發療治救濟今得解脫乃至於王後宮變爲

女身爲諸女人演說法要女人姿態多諸過

惡皆使令發菩提之心。獸鬼女身皆因此大神呪力得階十地六道和光現龍王身雖示

龍身不同其塵當知悉是天神呪力日誦七
徧煩惱結使悉得消除現在痛苦悉得消滅
欲得如上所說大智慧方便自利利人勤修
讀誦此大神呪誠諦不虛我婆難陀龍王欲
說一頭陀羅尼名陀摩羅提此言守護國土滿衆生願

誦呪五徧縷七色結作十四結繫項此大神
呪乃是過去九十九億諸佛所說我於過去
值遇諸佛從諸佛所得此大陀羅尼有大神
力神通自在常遊諸國度脫衆生在所國土
若諸國王欲以正法治國土者以天位治世
不枉人物欲得國家無諸災禍欲得隣敵不
生惡念國王爾時應當深心敬重三寶恩惠
貧窮謙敬仁義恩德普覆尊聖敬德退惡任

耆呼奴陀摩羅提 支塊梨那陀摩羅提

莎呵

善謙敬復信如其國王行此德者十方諸佛常隨護念釋梵四天王等龍王當隨護助爲消灾害滿其所願求願與願不違其意是王爾時欲滿願故應當讀誦此陀羅尼於宮殿內若正殿上於月八日十四日十五日日未出時正南而坐香湯澡浴著淨潔衣於其國內諸人民等及諸隣敵起慈悲心憐愍之心爾時應當誦此陀羅尼二十一徧燒殊妙香栴檀沉水熏陸香散七色華先當供養十方諸佛釋迦如來應正徧知諸大菩薩天龍八

部然後三稱我名婆難陀龍王燒香供養滿我所願如是三說我時當與天龍八部隨其所願即當與之是王爾時即滿所願云何當知得果其願若於夢中若惺悟時見白龍象及白蓮華在虛空中當前而住當知爾時即

羊三

七

得所願我娑伽羅龍王今欲說神呪名阿那耆置盧此言普雨法雨於四天下中無不蒙潤除諸衆生鬱蒸熱惱諸渴乏者令得豐足

烏耆都波梨那一耆摩都呼那二蘇耆蜜都呼那三阿支不奴都呼那四烏啄呵呼那五

卑梨帝那都呼那六溫者不都呼那七莎呵八

誦呪三徧駝毛縷結作八結繫項是大神呢
乃是過去十恒河沙諸佛所說我娑伽羅龍
王於七百阿僧祇劫已來常修行此陀羅尼
以是之故於諸龍王最上最勝端正殊妙神
通自在能以神力聲振三千極佛境界無不
蒙益一四天下小千世界四天下中三千大
千世界無不蒙潤慈悲普覆等雨法雨能令
衆生增長採育菩提根芽若諸衆生處在三

惡三垢覆蔽爲開慧眼今觀光明若諸國王
渴乏須雨我能給足令其豐實四天下中普
皆令等而其國王欲得豐實無他怨賊欲來
侵境於其國內熾然正法恩惠普覆斷理怨
枉賑諸貧窮有孤老者生憐愍心若其國王
能行是德十方諸佛諸大菩薩釋梵四天王
天龍鬼神常隨護助求願與願無不獲果王
於爾時應當修行此陀羅尼於淨潔處離大
憤鬧於七日中不食酒肉五辛食白淨素食
酥酪聽食香湯沐浴著白淨衣七日七夜受

持八戒燒衆名香栴檀沉水及薰陸香散五

色華供養十方諸佛我釋迦如來應正徧知
爾時應當三稱我名娑伽羅龍王即便誦呪

二七徧於六時中從初一日國王爾時心轉

淳厚一日二日乃至七日便見我身在其前

住若白龍象像若轉輪聖王像隨其所求能

滿其願爲除宿罪令得道果我和修吉龍王

今欲說神呪名支富提梨那此言愍苦衆生令出三界

憂波支兜那一如波帝支兜那二蜜若兜支

兜那三提梨帝那支兜那四烏蘇欽帝支兜

那五莎呵六

誦呪三徧羖羣毛縷結作十四結繫項此大
神呪乃是過去八恒河沙諸佛所說我於過
去從諸佛所得此陀羅尼句不與諸龍同其
事業常遊諸國修菩薩行面貌諸佛諮詢受教

誨愍念衆生佐佛化愚常以正法攝持守護

於生死海拔濟令出身爲大船口爲法橋心
爲大海出慈悲水溉灌衆生枯槁福田悉令

生長菩提根芽我所饒益其喻如是若諸國
王欲求所願欲令其國豐實安樂欲令無有

他方怨賊欲使國土無諸疫病怨家讐對自
然殄滅衆官承法不復惱人其王爾時於其
國內熾然正法率諸群臣以正法教溫良恭
儉孝養父母慈悲憐愍孤窮衆生躬自迴駕
供養三寶於三寶所不生疑悔生父母師長
第十三
想朋友知識想於身命財生不堅想我及國
土如幻如化愍傷衆生如視赤子若其國王
能修是德復能讀誦此陀羅尼於月八日十
四日十五日淨潔洗浴著新淨衣於正殿上
若高樓上正東而坐日未出時散三色華三

種名香栴檀沉水薰陸香等供養十方佛已
應當爲我和修吉龍王敷置法座正南而坐
以青氈覆我座上三種華三種漿蒲萄石蜜
安石榴漿燒黑沉水以待於我其王爾時正
東而坐又手合掌誦此陀羅尼二十一徧誦
呪已訖其王即出與諸群臣默然而坐我和
修吉龍王當與諸天龍神八部八萬四千到
是王所於虛空中默然而受其王供養王於
爾時若於夢中若惺悟心得見我身如轉輪
聖王七寶侍從見已歡喜轉更精進以精進

故我及天龍八部鬼神便當勤心守護國土
求願與願不違其意真誠如是我德又迦龍
王今欲說神呪度脫諸衆生有呪名蘇富羅
阿低帝者畫 支富屠蘇羅若蜜者畫 烏
廝都呵畫 卑梨那者毗若蜜烏都畫 莎
呵

誦呪五徧縷紫白二色結作十二結繫項是
大神呪乃是過去七恒河沙諸佛所說是呪
能令諸失心者還得正念度五逆津獲諸神
通具足三明超出三界獨步無畏我於往古

從諸佛所得聞讀誦此大神呪雖現龍身而
無龍業遊諸佛國修菩薩行遊騰十方度脫
衆生出生死海迴波六趣悉能救接扶持携
將到涅槃岸又我過去於閻浮提作國王女
王於爾時國土徧狹人民單索恒畏怨敵來
侵其境又復薄福水旱不調穀米踊貴人民
饑餓我於爾時在宮殿內父王爾時愁憂不
樂語諸群臣當設何計令國豐實人民還復
羊三
群臣爾時默無答者我時見父愁憂如是我
念過去曾從諸佛受持讀誦此大神呪是神

呪力譬如大蓋能覆三千況此一國普雨法
雨無不蒙益枯木石山皆能生華強者能伏
弱者能佐作如是念即詣王所禮觀問訊問
王所憂王時答我非汝所知我時答王有智
慧者不問男女行之則是王時歡喜而言說
之我時答王我念過去九十九億諸佛所說
大神呪王設其功力如上所說王於爾時躬
自讀誦精誠剋勵七日七夜受持八戒六時
不廢於一時中懺悔十方散五色華燒三
種名香一一時二七徧誦王於爾時悔過自

責薄福不肖謬得爲王孤負天下慚愧自責
以慚愧故十方諸佛大菩薩衆釋梵四天王
八部鬼神諸大龍王風伯雨師皆悉來集至
其國界雨大法雨枯木石山枯泉河井悉皆
盈滿先逃人民還其本土他國人民聞國豐
實亦來投歸爾時隣敵悉來歸伏拜爲大王
第十三
八方靡伏遂置太平我念往古大神呪力神
通自在乃置如是若諸人王欲求所願皆應
如是修行此德阿那婆達多龍王今欲說神
呪名婆差盧此言美音
讚歎三寶長衆生信擁護正法

震大法雷生長衆生菩提根芽鞠育成就令
得成辦悉皆令得無上佛果

支波畫提梨那

一 阿若盧波畫提梨那

二 和

婆盧波畫提梨那

三 阿那盧波畫提梨那

四

阿支不提梨那

五 若密耆那兜提梨那

六 胡

蘇波吒兜提梨那

七 蘇副密耆那阿支副烏

耆支

八 莎呵

九

誦呪三徧縷青黃二色結作六結繫項此大
神呪乃是過去七十七億諸佛所說是呪能
今諸失心者還得正念無智慧者令得智慧

無辯才者令得辯才無陀羅尼者令得陀羅
尼狂者得正癡者呪其舌根乃至七日還得
能語言瞎者呪其眼根三七二十一日日初
出時病者東向坐心念口言今我眼根隨日
而生呪師爾時日目呪之一日三呪月初出
時日正中時日欲入時乃至三七二十一日
眼根還生即還得眼若諸衆生手脚癰嬖呪
已還復如本無異有諸比丘懈怠不勤觸事
滯礙閻鉢憂惱爲諸罪垢之所覆蔽當知是
人曾於過去或殺父母或殺和尚阿闍梨或

殺發心菩薩真人阿羅漢或殺時君國政破
塔壞僧此人或曾於大衆中作大妄語輕毀
衆僧或時在俗輕秤小斗欺劫百姓見孤窮
者輕毀凌侮爲子不孝爲臣不忠見人行善
羊三
輕毀憎嫉見諸惡人防護佐助造此衆惡自
纏其身其人命終入阿鼻獄動經劫數罪畢
十二
乃出還得爲人諸根闇鈍示同人類如是罪
人若得值遇善知識者得聞說此陀羅尼一
經耳者復能讀誦修行通利慚愧自責悔先
罪咎謙敬自卑敬諸比丘孝順父母恭敬師

長者崔叟宿長生謙敬心愛語和順鄙悼自卑
慚愧低頭或時人請施與飲食當持此食色
香美味施與諸佛和尚阿闍梨我之鄙惡不
消此食餘殘滓惡我能敢受施衣裳湯藥亦
復如是不自高身卑下他人恒自改悔無數
劫罪勤心讀誦此陀羅尼於四十八日在空
閑處六時行道供養禮拜十方諸佛於一
時中七徧誦此陀羅尼精誠改悔莫生疲厭
散五色華三種名香栴檀沉水及熏陸香滿
四十八日已罪垢滅盡無有遺餘隨其前世

根有利鈍其利根者即得道果第二第三終不能得阿羅漢果其根鈍者止得減罪不墮地獄我今所說饒益衆生分別罪福令其惺悟善惡報應是名護法美妙功德今已說竟我摩那斯龍王今欲說呪名陀摩叉帝

此言爲護

法故拯濟群萌拔生死苦令得脫難

羊三十三

陀無梨陀尼帝一 阿支畫尼梨帝二 眇梨帝
那尼梨那三 烏支畫尼梨帝四 胡梨帝那五
尼梨帝六 莎呵七

誦呪三徧白疊縷結作七結繫項是大神呪

乃是過去七恒河沙諸佛所說我於往昔在閻浮提作大國王十六小國皆悉屬我我有威猛大策謀力降伏諸國三十六國悉皆屬我我時得病命垂欲終薄福少兒正有三子最大太子閻鈍少智中者厄弱其最小子聰明勇詰博學多聞策謀威勇見我欲終悉皆來集一萬大臣亦悉來集一萬夫人亦悉來集王時欲終語諸群臣言我三子中誰中爲王諸群臣言任大王意王時答言不應任我我去之後治國之法霸王之事汝曹當知云

何任我諸臣咸言善哉大王慈悲臨覆心無憎愛一萬大臣同聲唱言第三王子堪任爲王一萬大臣言已辭退時王正殿身體疲憊語諸子言我今欲卧第三王子抱父王頭中者捉脚第一王子捉父王手時王仰卧即便命終群臣聞之號哭來集一萬夫人亦悉號哭舉身投地第三王子見父背喪號咷懊惱自投於地良久乃蘇第一太子默然不哭第二王子坐啼脚頭諸群臣言諸王子等相貌有異有一大臣是王叔父大王在時恒以國

事付此大臣宰相念言大王在時恒以國事付囑於我今此王子意志有異我宜問之即前問言今王背喪諸群臣等皆悉已集人子之情不應如是默然而坐而不涕泣王子答言我與父王都無因緣第三王子獨是王子我等二人猶如賓客暫來相遇羊三大臣答言不應如是國是汝有非兄則弟十四第三王子號咷宛轉前抱兄足我小幼稚不應爲王願兄臨顧紹父王位兄時答言父王臨終告勅於汝我父先王不見告勅是父王過非汝憊咎我

等二人且當入山精誠勸勵求神仙道言已即去精誠不久獲得五通移山駐流手挽日月第三王子葬送父訖得紹王位統領諸國四十八年其後漸漸貪濁心起人民厭賤諸小國王及諸群臣咸皆思念山中神仙無貪之性乃得爲仙我等往昔咸皆愚癡聰聖王子以爲愚癡貪濁王子以爲賢聖作是念已咸相謂言我若返國亦皆當死貪王所殺不如住此求道神仙飲水食果清閑寂寞精誠不羣皆獲五通飛騰清虛靡不周遍爾時貪爲大王兼有神化威伏諸國作是念已一萬大臣皆共入山推覓求索會遇見之一萬大

臣拜觀問訊神仙尊者我等頑愚不識正真爲此貪王之所荒亂人民逃逕國將空虛惟願尊仙垂顧留眄慈悲普覆令國還復仙人答言我無是事諸臣答言實不得止仙人答言我寧此死終不戀國還爲人王一萬大臣羊三十五
咸相謂言我若返國亦皆當死貪王所殺不如住此求道神仙飲水食果清閑寂寞精誠不羣皆獲五通飛騰清虛靡不周遍爾時貪王心生慚愧即捨王位出家學道開父王藏欲大布施見一金匱七處印印之以手開匱

得陀羅尼是過去諸佛所說如前無異得陀羅尼已開父王藏著四衢道頭恣其人民擔負而去我於爾時得此陀羅尼已即入靜室七日七夜精勤修習漏盡意解即獲五通爾時國王福力少故隣國侵境風雨不時人民饑餓是時國王即請比丘以爲國師共我治化比丘是時即受王請愍衆生故爲作國師教其國王治化正法不貪爲本慈悲爲性賞善罰惡尊敬道德慈愍人民如視赤子爾時教王此陀羅尼句王於爾時精誠至固七日

七夜精進不懈以精進故十方諸佛諸大菩薩釋梵四天王二十八部諸大鬼神諸大龍王擁護國土集其國界雨澤時節穀米豐熟人民安樂以安樂故諸小國土皆悉歸屬當知皆是大神呪力威神乃爾若諸國王於釋迦牟尼佛千載末頭欲求所願亦應如是古者國王等無有異我漚波羅龍王今欲說神呪名伊提姤摩此言稱衆生心不違其意譬如大海七珍具足取者皆得其不取者非龍王咎

烏都胡盧都一支波都二宿佞性三耆摩都

四 烏吒都 五 若蜜耆都 六 畢梨帝那都 七 烏蘇都 八 莎呵 九

誦呪三徧縷紅白二色結作八結繫項此大
神呪乃是過去二十恒河沙諸佛所說我從
諸佛得此陀羅尼從是已來百阿僧祇劫有
大神力神通自在遊騰十方歷事諸佛常以
辛三愛語軟語利益同事調伏衆生於諸衆生猶
如慈父心意寬弘猶如大海容受衆生無所
不包堪任荷負無量重擔愍苦衆生施其安
隱若諸衆生來求索者隨其所願不逆其意

求官職者令得職爵求大富者施其寶藏疾
病者施其安隱若諸國王欲求所願我悉與
之不違其意求長壽得長壽欲令國土無諸
災害雨澤時節不旱不澇正得其中無諸灾
霜穀米豐熟人民安樂疫毒不行滿其所願
不違其意是王爾時復能讀誦上來所說陀
羅尼句兼以十善化諸人民如我上說所修
功德其王亦應如是修行修行得已兼復讀
誦此陀羅尼億劫所作極重惡業皆悉消滅
無有遺餘是王爾時罪垢滅已其心泰然無

衆惱患怨憎平等無有親愛常以月八日十

四日十五日沐浴受齋於清旦時日光未出

若正殿上若高樓上正東而坐七徧誦此陀

羅尼呪燒白栴檀及沉水香散七色華供養

十方佛已爾時應當三稱我名漚波羅龍王

滿我所願如是三說即尋誦此陀羅尼句七

徧乃止是王爾時以精誠故十方諸佛諸大

菩薩釋梵四天王八大龍王我漚波羅龍王

以慈悲善覆其國土以甘露水灑其國界令

其疾病疫毒惡氣悉得消滅是名大神呪力

滿願不虛

七佛所說神呪經卷第二

音釋

研五堅切

勵音例勉

殼𦗩

音古毛徒協

窮究也

勵也

𦗩

音曆疊切細

方武切

徧狹

音狹狹

切狹狹

也

切手拘縮病也

疊

音鄙隘也

智也

切足不能行也

都鄧

音汪羸

永樂北藏

七佛所說神咒經

第五三冊